



官常典第七百四十七卷

忠列部名臣列傳四十二

明十三 阮之鈿

按明外史忠義傳之鈿字實甫桐城諸生也崇禎中下詔保舉人才同邑諭今已皆爲所據而奸民穀城知縣十一年正月之鈿未至張獻忠襲陷其城據以求撫總理熊文燦許之處其眾數萬於四郊居民洶洶欲竄之鈿至盡心調劑民稍安乃上疏言微臣辦賊有心受事無地獻忠虎踞邑城其謀叵測所要求之地寔兵餉取道咽喉秦蜀交會脈絡今已皆爲所據而奸民甘心效用善良悉爲迫脅臣守土牧民之官至無土可守無民可牧庫藏殫虛民產被奪無賦可徵名雖縣令寔贅員爾聞今廟堂之上專主撫議臣愚妄謂撫勦二策可合言未可分言致損國威而挫士氣也時不能用賊衆始稍相安後漸出野外行劫之鈿執之以告其營將初少寘之法已而往告皆不應曰官司不給餉爾得餉自止由是村民徙亡殆盡遂掠及閭閻稍拒輒挺刃相向日有死者一城大囂監軍僉事張大經奉文燦令來鎮撫亦不能禁明年獻忠反形漸萌之鈿往說之曰將軍始所爲甚悖今幸

得爲王臣當從軍立功垂名竹帛且不見劉將軍國能乎天子手詔進官厚賚金帛此赤誠效也將軍若疑中朝有異論者之鈿請以百口保於朝何嫌何疑而復懷他志哉獻忠素銜之鈿遂惡言極罵之之鈿憂憤成疾題數語於壁自誓以死遂不視事至五月獻忠果反劫庫縱囚毀其城之鈿仰藥未絕獻忠遣使索印堅不予賊遂殺之旋縱火焚公署骸骨爲燼而大經爲賊刳去不能死迫瑞山戰敗偕賊將曹威等出降土論醜之之鈿後贈尙寶少卿

劉廷訓

孫士美

父訥

白慧元

黃承宗

馮登鼐

從父大緯

王鑰

王采

崔賢

陳誌

王九鼎

張文煥

錢珍

陳緘

張純儒

唐一中

按明外史忠義傳廷訓順天通州人由歲貢生爲吳橋訓導崇禎十一年畿內告警知縣李綦隆欲遁廷訓邀止之與共守外圍將合綦隆縋城走廷訓急趨城上語守者曰守死逃亦死曷死於守爲忠義鬼乎衆泣諾乃堅拒三晝夜城外發矢如雨廷訓受傷束胷力戰又中六矢乃死踰月其子啟棺更斂面如生當是時畿輔諸郡悉被兵長吏多望風遁失城四十有八深州孫士美任丘白慧元慶都黃承宗靈壽馮登鼐文安王鑰蠡縣王采新河崔賢鹽山陳誌固城王九鼎皆以殉難聞他若

青縣張文煥興濟錢珍慶雲陳緘城破被殺教官死難者有張純儒唐一中鄉官則喬若雯李禎宁魏克家李崇德董祚而棄城者綦隆等十人皆坐死士美青浦人由鄉舉授舒城教諭崇禎八年春賊來犯縣令以公事出土美代守七十餘日城以全明年擢知深州城破自到於角樓父訥亦自縊一家死者十三人贈太僕少卿訥亦被旌慧元青澗人崇禎七年進士居官善祛蠹吏民畏之九年以堅守有功命減俸行取會與大奄有隙撫其罪於帝命逮治之未行而兵抵城下乃與代者李廉仲共守無何廉仲縋城遁慧元躬擐甲胄與鄉官李禎宁防禦甚力及城破慧元一門俱死事定廉仲弟芳仲僞以他人屍爲兄屍拜疏求卹禎宁子給事中士焜力言其僞乃寢芳仲奏而慧元贈僉事承宗有吏才庶政具舉未詳何許人登鼂虜施人起家鄉舉其從父大緯爲蠡縣訓導亦死鑰武功人舉人采澤州人進士賢代州人舉人誌九鼎未詳何許人誌以敵退弛備俄假援軍突入遂自經九鼎戰死城上承宗等皆贈卹有差純儒新安人爲臨城訓導率諸生共守城破死之一中全州人由舉人爲鉅鹿教諭抗節死

喬若雯 李禎宁 魏克家 李崇德 董祚

按明外史忠義傳若震臨城人萬曆四十七年進士授中書舍人遷禮部主事崇禎元年春廷臣爭擊魏忠賢黨若震亦兩疏劾兵部侍郎秦士文御史張訥智鋌備列其傾邪狀尋言故輔魏廣微罪惡滔天致先帝冒桓靈之名忠賢肆十常侍之毒而其徒陳九疇張訥智鋌爲之鷹犬專噬善類廣微之罪不下忠賢九疇等之罪不減彪虎乞死者削其官階生者投之荒裔帝責其詆毀先帝而九疇等下所司行遣若震尋改吏部主事遷員外郎出爲兗州知府剔除積弊豪猾斂手以疾歸士民遮道泣送及臨城失守若震端坐按劍以待遂被殺贈太常少卿李禎寧任丘人萬曆三十八年進士歷官山西按察使罷歸佐白慧元拒守城破率家衆格鬪身中數槊而死一門從死者數人魏克家高陽人李崇德青縣人董祚隆平人皆舉人克家爲鄒平知縣有善政崇德歷戶部員外郎祚未仕並以城破殉難贈恤有差

高重光 宋希堯 張列宿 黃建極 李承芳 李應薦 劉化光

子漢儀

按明外史忠義傳重光字秀恒保定人由貢生爲柏鄉訓導歲凶饑民爲盜有司倉皇莫措重光有蒼頭勇敢善戰率之出擊賊大敗城獲全當事薦於朝擢丘縣知縣崇禎十一年冬大軍入山東縣

被兵吏民欲買之逃重光不可抱印赴井死其時州縣失亡者一十有六縣令殉難者臨邑則宋希堯博平則張列宿桂平則黃建極武城則李承芳其家居被難者有李應薦及劉化光父子應薦恩縣人舉進士歷官御史以附魏忠賢麗名逆案至是捐貲募士佐有司力守及城破身被數刃而死化光歷城人與子漢儀先後舉於鄉化光銓授推官未謁選遇變父子俱以守城力戰死贈恤有差

賈儒秀

按明外史夏統春傳崇禎十一年五月賈儒秀商南典史賊陷城抗節死

麻封

按慶都縣志封字帝簡庠生幼而穎異年十三入泮爲人剛毅有大志以忠孝自矢讀正氣歌輒嘆賞不置蓋其天性然也戊寅城破死之

張汝鰲

按慶都縣志汝鰲字振海邑庠生教授生徒恢恢有大志戊寅城破死之

吳鳳岐

古今圖書集成
三
按慶都縣志鳳岐字苞字規行矩步尺寸不失嘗謂同人曰毀譽者是非之所由定也是非不定則好惡不明好惡不明則善惡不分吾儒所學何事顧可妄爲毀譽而淆人之善惡哉同人服其議戊寅城破死之

安衡

按文安縣志衡華縣人崇禎九年任本邑縣丞戊寅殉城贈經歷

湯國紀

按文安縣志國紀孟縣人崇禎十年任本邑典史戊寅殉城贈吏目

郭養性

按文安縣志養性河間貢生崇禎九年任訓導醇謹循循善誘戊寅分汛東城晝夜防禦力竭死於關帝廟前贈國子監博士

張一經

按通州志一經廩生以祖蔭官戶部員外流寇破城死之

白九有

按河間府志九有河間縣生員戊寅兵南下里人勸九有避其鋒九有曰吾讀聖賢書見危授命正襟危坐以待之兵至不屈死之

劉振元

按保定府志振元字益川慶都人以貢除四川嘉定州同知司錢局懲役爲奸遷局驗工而錢息溢臺使者嘉之榮縣殺人無抵久不決振元訪得其情倉卒諸殺人者怖而伏獄以成三吏盜帑四百金詭曰盜也振元疑之下三吏於獄屬卒覘所爲卒報曰三吏市一鷄入振元曰將歃血盟而誑也使隸給其家人忽吐寔銀獲而置諸法以是舉卓異無以賂銓司僅遷藩府長史拂衣歸上官瞋之行居鄉不出里閭詩酒自娛戊寅遇難死

辛向道

按保定府志向道字潛茲慶都人崇禎時舉於鄉事父以孝聞爲人端莊靜穆潛心理學教授生徒嚴於考課所著範身檢身二錄得濂洛正宗戊寅遇難死之

周日強

按蠡縣志日強字泰萌本縣人萬曆己酉舉人初授山東利津知縣多惠政丁憂起補河南武安知縣陞陝西寧州知州值流寇神一魁劉六等圍困慶陽日強再三告急總督楊鶴提軍駐劄寧州諭日強宣布德義招撫神一魁等解圍投誠總督嘉其才猷敏練題陝西按察司僉事分守慶陽道革任回籍值崇禎戊寅城陷殉難

李節之

按蠡縣志節之鄉貢任淮安府海州同知賦性溫良義嚴取與時值魏黨而不媚疊承委職而不顧聽訟明決盡絕贖鍰告歸離淮里老泣送百餘里蠡城告變捐修城三百餘兩堅志報國捐軀殉難撫按建忠烈坊

蔣範化

按蠡縣志範化崇禎戊辰進士任薊州邊郎會計各當差督湖廣糧餉軍需所儲不留顆粟差滿回京貧窶滋甚致仕奉親兵至蠡城分守東城捐軀報國

劉國會

按廣平府志國會字東之武陵舉人肥鄉教諭日與諸生衡文講藝惟慮不克稱職後歷遷商河令兵亂城破衣冠坐堂上死

崔世勳

按廣平府志世勳平山人雞澤訓導性方潔遇諸生嚴而有禮有奸民訟者以賂進卻不受曰子弟有過吾自當懲之何物錢神效靈遂以菜傭辱請衿爲也戊寅城破死之

康霖
弟震

按廣平府志霖鷄澤人庠生戊寅城破同弟震庠生見母遇難捐軀爭救遇害事聞旌表

王建極

按廣平府志建極字素微威縣進士選庶吉士授檢討侍經筵稽古陳謨適合上意恩賜文綺朱提親老乞歸侍養崇禎戊寅城破被執死之

鍾希顏 王茂遠

按廣平府志希顏字心卓清河進士歷任戶部郎中山西參議忤時歸里布衣徒行蕭然四壁崇禎中城破死時同邑王茂遠貢生知縣里居同及於難

解嗣昇 鍾鴻儒 史俊傑 顧爾引 馮庇民

按廣平府志嗣昇清河拔貢戊寅城破死之時有庠生鍾鴻儒史俊傑顧爾引馮庇民俱死焉

趙啟璧 王政新

按廣平府志趙啟璧王政新俱雞澤人戊寅城破不屈死事聞俱旌表

韓曰諒

按南宮縣志曰諒字貞慈孝廉韓甲第四子也孝廉五子俱有文名比之燕山五桂然於諸子中曰諒尤鍾異嘗曰此吾家千里駒也及長端重寡言笑讀書日記數千言舉郡茂才且孝友著聞內外無間言與人交肝胆畢見蓋所稱篤行君子焉戊寅城守分汎南城城陷捐軀

李光國

按南宮縣志光國字亮圖幼聰穎嗜學博聞強記每試輒高第士林咸稱焉一時從遊者皆名雋戊

寅分守南城晝夜不離汛地城陷投井死

賈還朴

按南宮縣志還朴字文甫侍御道乾之長子也少穎敏而莊從塾師句讀時卽不作童子嬉弄態稍長攻舉子業儕輩皆下之年十八補博士弟子員恪守庭訓學行兼優戊寅城將陷滿城鼎沸弟還素密邀兄籌進退還朴曰吾家爲一邑之望衆人屬耳目焉且功令森嚴責備於鄉士大夫者幾與守土等萬一授人以口寔則身名俱喪矣吾長子也代大人支撐門戶不可徼幸以爲嚴親羞與城存亡可耳雖然雙親老矣父在外母在堂迎與養皆子職也吾弟善自愛得慰父母晨昏足矣一言不及於私明日城陷西北隅矢如雨集還朴知事不可爲乃奮身投城下而絕家人尋得其尸勃勃如生尋以義士旌表其門

連報 連三畏 連三讓 連得中 連得志

按南宮縣志連報字少海連三畏字理我連三讓字貞符連得中字用之連得志字仲求俱庠生於戊寅效死陣堞

白若鵬

子濯 姪其志

按南宮縣志若鵬庠生若鷺之弟生而英敏好讀異書行文有奇氣多才藝尤善丹青戊寅城陷率長子濯并姪其志同時死之

尹倫

按南宮縣志倫號城吾邑庠生家貧茅屋數椽不蔽風雨薄田數畝不給饘粥倫處之怡如也惟杜門課子灌園栽花以自娛二子名志伊紹伊亦刻苦自勵不數年同遊庠序然而貧益甚每晨令二子易薪米於市倫倚門望之待以舉火然見二子肩隨而出未嘗不欣然自以爲樂卽他人觀之亦未嘗不以爲倫之自得其樂也時郭大參慕其品性欲延爲館師倫婉辭之人問其故曰余雖寒士寔不能僂僕大人之門士各有志不可強也時人皆以爲迂惟賈侍御聞而嘆曰此當於古人中求之未易爲流俗道也每折節下之戊寅倫年七十遇兵輒謾罵不已兵怒以亂槌捶殺之

林起元

按文登縣志起元字斗建崇禎丁丑進士幼聰慧善屬文舞象之年試輒冠軍補弟子員弱冠掇巍

科任南宮知縣清惠著聲甫一載城陷夫妻俱殉

王毓震

按新河縣志毓震歲貢生崇禎間分守南門城陷因索金帛不屈而死

鄭肯構

按新河縣志肯構貢士思皇之父忠誠信義教子成名崇禎間分守南城親冒鋒鏑城陷被執遂遇

害

程遡孔

姪勿怠

按新河縣志遡孔太學生試之子崇禎間率姪勿怠同家人執銳拒敵城陷俱死

宋文麗

按新河縣志文麗生員學行兼優寬厚待人八子森立十孫鴈行崇禎間城陷文麗與妻李氏率先縊死五子聯袂而投於井三婦交頸而縊於室相繼而死者十九口闔門死節

聶挺

按新河縣志挺生員制行端方土逆據城挺猶以大義責賊揮拳憤罵而死

安汝止

按新河縣志汝止武生性直遂疾惡如仇爲羣小所忌賊入城汝止持大義罵賊賊怒遂遇害

劉文蔚

按新河縣志文蔚歲貢生任淮安府通判崇禎間率家衆分汛守城及陷猶巷戰被執抗拒不屈而死

趙懋成

按新河縣志懋成恩貢生任韓城縣丞崇禎間分守西門城陷衣冠北向拜曰可以死矣遂遇害

張引

按隆平縣志引雄縣人崇禎十年任本縣令戊寅死難

蘇國幹

按隆平縣志國幹崇禎八年選貢戊寅死難

張光引

按隆平縣志光引崇禎十年貢通判如銓之子寡交善飲其懿行有足多者戊寅死難

馬鍾星

按永年縣志鍾星臨洛人邑庠生洛亂先期偕衆守禦及臨陣衆披靡鍾星獨抗禦手刃數人力不支被害至死罵不絕口兩院具題旌表

穆席珍

按永年縣志席珍庠生同馬鍾星遭變衆俱逃席珍獨護母不肯去遂及於難大罵不已剖其心而死妻梁氏並遇害具題旌表

申志 高抱璋 杜爾亮 郝燦然

按永年縣志申志高抱璋杜爾亮郝燦然俱庠生督率鄉勇同心抗拒勢窮力極大罵不屈而死後俱蒙旌表

周時雨

弟霖雨 甘雨

古今圖書集成
八
按行唐縣志時雨本縣中羊社人任四川潼川州州同弟霖雨淮安府同知甘雨倒馬關叅將崇禎十一年城陷同日慷慨殉難詔褒忠貞遣官致祭闔學稱其一家三仁焉

王聰啟

按寧晉縣志聰啟母馮氏守貞三十餘年遇兵革聰啟扶母走避兵喝止扶母不捨刃亂下肉爛仆地而死

王夢霖

按寧晉縣志夢霖龍泉關指揮僉事流寇犯龍泉死節

孫學古

按南和縣志學古武舉人崇禎戊寅守城城陷力戰死贈明威將軍

檀光閭

按任縣志光閭字開美髫年補弟子員爲文昌明博大十七登鄉薦斂飭有度尤究心性理及河洛之數嘗讀揚子太元不得其解以至廢寢食戊寅城陷殉難